

Kreis
Steinfurt

S 100

1233 Juli 8. Deventer.

[1

Der Elekt Otto von Utrecht bekundet, daß einige seiner Ministerialen ihre Güter dem Edlen Ludolf von Steinfurt zu Lehen aufgetragen haben.

Otto, Dei gratia Traiectensis electus, universis presentem cedula[m] inspecturis salutem in Domino. Noverint universi, quod quidam nostri ministeriales proprietatem quorundam suorum bonorum in presentia nostra nobili viro domino Ludolfo de Stenvordia contulerunt, ab ipso eadem bona in feodo recipientes, sicut conditum fuit in compositione facta inter iam dictum L. et Bennekinum de Wic sub tali forma, ut quandocumque aliquem istorum conferentium discedere contigerit, predictus L. filio vel filie defuncti sine pecunia, que herwade dicitur, sine contradictione concedet; heredes aut[em] subsequentes de illis bonis facient, sicut de aliis est consuetum. Et hec sunt nomina illorum, qui bona sua iam dicto nobili contulerunt: Beneko de Wic bona, que Lede vocantur, bona in Eckenholte, apud Tveclo mansum unum; Engelbertus de Ramelo unum mansum in parochia de Wic, qui Hudinclo vocatur; Bernirus de Ralte domum, que vocatur Velthus, prope eandem villam; Thidericus de Woelo unum mansum in villa Vase super Veluam. Ut autem hec rata maneant et inconversa, presens scriptum sigilli nostri appensione fecimus roborari. Data et acta hec sunt anno gratie M^oCC^oXXX^o tercio, sexta feria post octavas apostolorum Petri et Pauli, apud Davantriam. Testes B. comes de Benethem, Svetherus de Vorste, Egidius de Brochusen, Stephanus pincerna, Hugo de Vlotene, Gerwinus et Johannes fratres in Daventria, Herbertus Drento, Gerhardus de Hervethe, Hebertus de Elderike, Johannes de Ahus, Symon Ternine et alii quam plures.

Abtschrift Antiqua Registratura S. 1; Lehenbuch v. 1609 (26.) S. 7: (Wic, Wijhe i. von Zwolle; Tveclo, Twello w. von Deventer; Ramelo, Ramele bei Raalte, Overijssel; Ralte [Abtschr. Balte], Raalte; Vase, Vaassen in der Veluwe.)

400